



OFFICIUM

IN NOCTE

NATIVITATIS DOMINI.

AD MATUTINUM.

Pater noster. Ave María, &
Credo. *ψ.*

Domine lábia mea apéries.
R. Et os meum annuntiá-
bit laudem tuam.
ψ. Deus in adjutórium meum in-
ténde. *R.* Dómine ad adjuván-
dum me festína. Glória Patri, &c.
Allelúja. *Invitat.* Christus natus
est novis, * Veníte adorémus.

A

Et

Et repetitur. Christus natus est nobis, * Veníte adorémus.

Psalmus 94.
VENíte, exultémus Dómino, jubilémus Deo salutári nostro: præoccupémus fáciem ejus in confessióne, & in psalmis jubilémus ei.

Christus natus est nobis, * Veníte adorémus.

Quóniam Deus magnus Dóminus, & Rex magnus super omnes deos: quóniam non repéllet Dóminus, plebem suam, quia in manu ejus sunt omnes fines terræ, & altitúdines móntium ipse cónspicit. * Veníte adorémus.

Quóniam ipsíus est mare, & ipse
 fe-

fecit illud, & áridam fundavérunt manus ejus: veníte, adorémus, & procidámus ante Deum, plorémus coràm Dómino, qui fecit nos, quia ipse est Dóminus Deus noster: nos autem pópulus ejus, & oves páscuæ ejus.

Christus natus est nobis, * Veníte adorémus.

Hódie si vocem ejus audiéritis, nolíte obduráre corda vestra, sicut in exacerbatióne secúndum diem tentatiónis in desérto: ubi tentavérunt me patres vestri, probavérunt, & vidérunt opera mea. * Venite adorémus.

Quadragínta annis próximus fui generatióni huic, & dixi, Semper

hi errant corde: ipsi verò non cognovérunt vias meas, quibus jurávi in ira mea, si introíbunt in réquiem meam.

Christus natus est nobis, * Veníte adorémus.

Gloria Patri, & Fílio, &c.

Veníte adorémus. Christus natus est nobis, * Veníte adorémus.

Hymnus.
JESU, Redemptor ómnium,
 Quem lucis ante oríginem.
 Parem Patérnæ glóriæ
 Pater suprémus édedit.

Tu lumen & splendor Patris,
 Tu spes perénnis ómnium,
 Inténde, quas fundunt, preces
 Tui per orbem sérvuli.

Me-

Meménto rerum Cónditor,
Nostri quod olim córporis,
Sacráta ab alvo Vírginis
Nascéndo, formam sumpseris.

Testátur hoc præsens dies
Currens per anni círculum,
Quòd solus è sinu Patris
Mundi salus advéneris.

Hunc astra, tellus, æquora,
Hunc omne, quod cœlo subest,
Salútis Auctórem novæ
Novo salútat cántico.

Et nos, beáta quos sacri
Rigávit unda Sanguinis,
Natális ob diem tui,
Hymni tribútum sólvimus.

JESU, tibi sit glória,
Qui natus es de Vírgine,

Cum

Cum Patre , & almo Spíritu
In sempitérna sæcula. Amen.

IN I. NOCTURNO.

Aña. Dóminus dixit ad me: Fílius
meus es tu , ego hódie genui te.

Psalmus 2.

QUare fremuérunt Gentes , *
& pópuli meditáti sunt inánia ?

Astitérunt Reges terræ , &
principes convenérunt in unum*
advérsùs Dóminum , & advérsùs
Christum ejus.

Dirumpámus víncula eórum : *
& projiciámus à nobis jugum ip-
sórum.

Qui hábitat in coelis irridébit
eos , * & Dóminus subsannábit eos.

Tunc

Tunc loquétur ad eos in ira
sua , * & in furóre suo conturbá-
bit eos.

Ego autem constitútus sum Rex
ab eo super Sion montem sanc-
tum ejus , * prædicans præcép-
tum ejus.

Dóminus dixit ad me : * Fílius
meus es tu , ego hódie génui te.

Póstula à me , & dabo tibi Gen-
tes hæreditátem tuam , * & pos-
sersionem tuam términos terræ.

* Reges eos in virga férrea , * &
tamquam vas figuli confrínges
eos.

Et nunc Reges intellígite : * eru-
dímini qui judicátis terram.

Servíte Dómino in timóre : *

&

& exultáte ei cum tremóre.

Apprehendite disciplinam, ne quando irascátur Dóminus, * & pereátis de via justa.

Cùm exárserit in brevi ira ejus, * beáti omnes qui confidunt in eo.

Glória Patri, & Fílio, &c.

Antiph. Dóminus dixit ad me: Fílius meus es tu, ego hódie génuite. *Añã.* Tamquam sponsus Dóminus procedens de thálamo suo.

Psalmus 18.

COEli enárrant glóriam Dei, * & ópera manuum ejus annúntiat firmaméntum.

Dies diéi erúctat verbum, * & nox nocti índicat sciéntiam.

Non sunt loquélæ, neque ser-
mó-

mónes, * quorum non audiántur
voces eórum.

In omnem terram exívit sonus
eórum : * & in fines orbis terræ
verba eórum.

In sole pósuit tabernáculum
suum : * & ipse tamquam sponsus
procédens de thalamo suo.

Exultávit ut gigas ad currén-
dam viam, * à summo cœlo egres-
sio ejus.

Et occúrsus ejus usque ad sum-
mum ejus : * nec est qui se abs-
cóndat à calóre ejus.

Lex Dómini immaculáta, con-
vértens ánimas : * testimónium
Dómini fidéle, sapiéntiam præ-
tans párvulis.

Justitiæ Dómini rectæ, lætifi-
cantes corda: * præcéptum Dó-
mini lúcidum illúminans oculos.

Timor Dómini sanctus, pérma-
nens in sæculum sæculi: * judí-
cia Dómini verá, justificáta in se-
metípsa.

Desiderabilia super aurum & lá-
pidem pretiósus multum: * &
dulcióra super mel & favum.

Etenim servus tuus custódit ea,
* in custodiéndis illis retribútio
multa.

Delicta quis intélligit? ab occúl-
tis meis munda me: * & ab alié-
nis parce servo tuo.

Si mei non fúerit domináti,
tunc immaculátus ero: * &

emundabor à delicto máximo.

Et erunt ut compláceant eló-
quia oris mei: * & meditatio cor-
dis mei in conspéctu tuo semper.

Dómine adjutor meus, * & re-
demptor meus. Glória Patri, &c.

Antiph. Tamquam sponsus Dó-
minus procedens de thalamo suo.*

Añã. Diffúsa est grátia in lábiis
tuis, proptérea benedíxit te Deus
in ætérnum.

Psalmus 44.
ERUCTÁVIT cor meum verbum
bonum: * dico ego ópera mea
Regi.

Lingua mea cálamus scribæ, *
velóciter scribéntis.

Speciósus forma præ filiis hómi-
num, diffúsa est grátia in lábiis
tuis: * proptéreà benedíxit te
Deus in ætérnum.

Accíngere gládio tuo super fe-
mur tuum, * potentíssime.

Spécie tua & pulchritúdine tua,
*inténde, próserè procéde, &
regna.

Propter veritátem, & mansue-
túdinem, & justítiam: * & dedú-
cet te mirabíliter déxtera tua.

Sagíttæ tuæ acútæ, pópuli sub
te cadent, * in corda inimicó-
rum regis.

Sedes tua Deus in sæculum sæ-
culi: * virga directiónis virga
regni tui.

*Dilexísti justitiam, & odisti iniquitátem : * proptérea unxit te Deus, Deus tuus óleo lætitiæ præ consortibus tuis.

Myrrha, & gutta, & cásia à vestiméntis tuis, à dómibus ebúr-
neis : * ex quibus delectavérunt te filia regnum in honóre tuo.

Astitit regína à dextris tuis in vestítu deauráto, * circúmdata varietáte.

Audi filia, & vide, & inclina aurem tuam : * & obliviscere pópulum tuum, & domum patris tui.

Et concupíscet Rex decórem tuum : * quóniam ipse est Dóminus Deus tuus, & adorábunt eum.

Et filia Tyri in munéribus *
vultum tuum deprecabúntur,
omnes dívites plebis.

Omnis glória ejus filia regis ab
intus, * in fimbriis áureis circum-
amícta varietátibus.

Adducéntur regi vírgines post
eam: * próximæ ejus afferéntur
tibi.

Afferéntur in lætítia, & exulta-
tíone: * adducéntur in templum
Regis.

Pro pátribus tuis nati sunt tibi
filii: * constítues eos príncipes su-
per omnem terram.

Mémores erunt nóminis tui *
in omni generatióne, & genera-
tiónem.

Propterea populi confitebuntur
tibi in ætèrnum, * & in sæcu-
lum sæculi.

Glória Patri, & Fílio, &c.

Añã. Diffúsa est grátia in lábiis
tuis, propterea benedíxit te
Deus in ætèrnum.

Ÿ. Tamquam sponsus. R. Dómi-
nus procedens de thálamò suo.
Pater noster.

Absolutio. Exáudi Dómine Jesu
Christe preces servórum tuó-
rum, & miserere nobis, qui cum
Patre, & Spíritu sancto vivis &
regnas in sæcula sæculórum.
R. Amen. Ÿ. Jube domne be-
nedícere.

Benedictio. Benedictione perpé-
tua

tua benedícat nos Pater ætérnus.
 R. Amen.

Lectio i. Isaiaë cap. 9.

PRimo témpore alleviáta est terra Zábulon, & terra Nephthali: & novíssimò aggraváta est via maris trans Jordánem Galilææ Géntium. Pópulus qui ambulabat in ténebris, vidit lucem magnam: habitántibus in regióne umbræ mortis, lux orta est eis. Multiplícasti gentem, & non magnificásti lætítiam. Lætabúntur corám te, sicut qui lætántur in messe, sicut exúltant victóres capta præda, quando dívidunt spólia. Jugum enim óneris ejus, & virgam húmeri ejus, & sceptrum exactóris ejus

superásti sicut in die Mádian.
Quia omnis violénta prædátio
cum tumúltu , & vestiméntum
mistum sánguine erit in combus-
tiónem , & cibus ignis. Párvulus
enim natus est nobis , & filius da-
tus est nobis , & factus est prin-
cipátus super húmerum ejus : &
vocábitur nomen ejus , Admirá-
bilis , consiliárius , Deus , fortis,
pater futúri sæculi , princeps pa-
cis. Tu autem Dómine miserére
nobis. *R.* Deo grátias. *R.* Hódie
nobis coelórum Rex de Vírgine
nasci dignátus est , ut hóminem
pérditum ad coeléstia regna re-
vocáret : * Gaudet exércitus An-
gelórum , quia salus ætérna hu-

máno géneri appáruit. *ŷ.* Glória
in excélsis Deo , & in terra pax
homínibus bonæ voluntátis.

R. Gaudet exércitus Angelórum,
quia salus ~~æterná~~ humano géneri
appáruit. Glória Patri , & Fílio,
& Spirítui sancto. *Et repetitur*

R. Hódie nobis cœlórum , &c.
ŷ. Jube domne benedícere.

Benedictio. Unigénitus Dei Filius
nos benedícere & adjuváre dig-
nétur. *R.* Amen.

Lectio ii. cap. 40.

Consolámini, consolámini pó-
pule meus, dicit Deus vester. Lo-
químini ad cor Jerúsalem , & ad-
vocáte eam : quóniam compléta
est malítia ejus, dimíssa est iniqui-

tas

tas illius: suscepit de manu Domini duplicia pro omnibus peccatis suis. Vox clamantis in deserto: Parate viam Domini, rectas facite in solitudine semitas Dei nostri. Omnis vallis exaltabitur, & omnis mons & collis humiliabitur: & erunt prava in directa, & aspera in vias planas. Et revelabitur gloria Domini: & videbit omnis caro pariter quod os Domini locutum est. Vox dicentis: Clama. Et dixi: Quid clamabo? Omnis caro foenum, & omnis gloria ejus quasi flos agri. Exiccatum est foenum, & cecidit flos, quia spiritus Domini sufflavit in eo. Verè foenum est populus:
exic-

exiccátum est foenum , & cécidit flos : verbum autem Dómini nostri manet in ætérnum. Tu autem Dómine miserére nobis. R̄. Deo grátias.

R̄. Hódie nobis de coelo pax vera descéndit : * Hódie per totum mundum mellíflui facti sunt coeli.

Ÿ. Hódie illúxit nobis dies redemptiónis novæ , reparatiónis antiquæ , felicitátis ætérnæ. R̄. Hódie per totum mundum melliflui facti sunt coeli.

Ÿ. Jube domne benedicere.

Benedictio. Spiritus sancti grátia illúminet sensus & corda nostra.

R̄. Amen.

Lectio iii. cap. 52.

Consúrge , consúrge , indúere fortitúdine tua Sion, indúere vestiméntis glóriæ tuæ Jerúsalem civitas sancti : quia non adjíciet ultrà ut pertranseat per te incircumcísus & immúndus. Excútere de púlvere , consúrge , sede Jerúsalem : solve víncula colli tui captíva fília Sion. Quia hæc dicit Dóminus : Gratís venúmdati estis , & sine argénto redimémmini. Quia hæc dicit Dóminus Deus : In Ægyptum descéndit pópulus meus in princípío , ut colónus esset ibi : & assur absque ulla causa calumniátus est eum. Et nunc quid mihi est híc, dicit Dóminus, quo-

quoniam ablátus est pópulus meus gratis? Dominatóres ejus iníquè agunt, dicit Dóminus, & júgiter tota die nomen meum blasphemáatur. Propter hoc sciet pópulus meus nomen meum in die illa: quia ego ipse qui loquébar, ecce adsum. Tu autem Dómine miserére nobis. *R.* Deo grátias.

R. Quem vidístis pastóres? dícite, annuntiáte nobis, in terris quis appáruit? Natum vídimus, & choros Angelórum collaudántes Dóminum. *ŷ.* Dícite, quidnam vidístis? & annuntiáte Christi nativitátem. *R.* Natum vídimus, & choros Angelórum collaudántes

Dó-

Dóminum. *ŷ.* Glória Patri, & ²³
Fílio, & Spirítui sancto. *R.* Na-
tum vidimus, & choros Angeló-
rum, &c.

IN II. NOCTURNO.

Antiph. Suscépimus Deus miseri-
córdiam tuam in médio templi
tui.

Psalmus 47.

Magnus Dóminus, & laudábi-
lis nimis * in civitáte Dei nostri,
in monte sancto ejus.

Fundátur exultatióne univérsæ
terræ mons Sion, * látera Aquí-
lónis, cívitas Regis magni.

Deus in dómibus ejus cognoscé-
tur, * cúm suscípiet eam.

Quóniam ecce reges terræ congregati sunt : * convenérunt in unum.

Ipsi vidéntes sic admiráti sunt, conturbáti sunt, commóti sunt : * tremor apprehéndit eos.

Ibi dolóres ut parturientis , * in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri : * Deus fundávit eam in ætérnum.

Suscépipimus Deus misericórdiam tuam , * in médio templi tui.

Secúndùm nomen tuum Deus, sic & laus tua in fines terræ : * iustítia plena est déxtera tua.

Lætétur mons Sion, & exúl-
tent filiaë Judæ, * propter judi-
cia tua Dómine.

Circúmdate Sion, & complectí-
mini eam: * narráte in túrribus
ejus.

Pónite corda vestra in virtúte
ejus: * & distribúite domos ejus,
ut enarrétis in progenie áltera.

Quòniã hic est Deus, Deus
noster in ætérnum, & in sæculum
sæculi: * ipse reget nos in sæcula.

Glória Patri, & Fílio, &c.

Aña. Suscépimus Deus misericór-
diam tuam in médio templi tui.

Aña. Oriétur in diébus Dómini
abundantia pacis, & dominábitur.

Psalmus 71.

DEus iudicium tuum regi da: *
& iustitiam tuam filio regis.

Judicare populum tuum in iustitia, * & pauperes tuos in iudicio.

Suscipiam montes pacem populo: * & colles iustitiam.

Judicabit pauperes populi, & salvos faciet filios pauperum: * & humiliabit calumniatorem.

Et permanebit cum sole, & ante lunam, * in generatione & generationem.

Descendet sicut pluvia in vellus: * & sicut stillicidia stillantia super terram.

Orietur in diebus ejus iustitia

tia & abundantia pacis : * donec auferatur luna.

Et dominabitur à mari usque ad mare : * & à flumine usque ad terminos orbis terrarum.

Coram illo prouident Æthiopes : * & inimici ejus terram lingent.

Reges Tharsis & insulæ munera offerent : * Reges Arabum & Saba dona adducent :

Et adorabunt eum omnes reges terræ : * omnes Gentes seruiant ei.

Quia liberabit pauperem à potente : * & pauperem, cui non erat adiutor.

Parcet pauperi & inopi : * & ani-

ánimas páuperum salvas fáciat.

Ex usúris & iniquitáte rédimet
ánimas eórum : * & honorábile
nomen eórum coràm illo.

Et vivet, & dábitur ei de auro
Arábiæ , & adorábunt de ipso
semper : * tota die benedícant ei.

Et erit firmamentum in terra
in summis móntium , superex-
tollétur super Líbanum fructus
ejus : * & florébunt de civitáte
sicut foenum terræ.

Sit nomen ejus benedíctum in
sæcula : * ante solem pérmanet
nomen ejus.

Et benedicéntur in ipso omnes
tribus terræ : * omnes Gentes
magnificábunt eum.

Be-

Benedíctus Dóminus Deus Is-
raël, * qui facit mirabília solus:

Et benedíctum nomen majestá-
tis ejus in ætérnum: * & replébi-
tur majestáte ejus omnis terra:
fiat, fiat. Glória Patri, &c.

Aña. Oriétur in diébus Dómini
abundántia pacis, & dominábitur.

Antiph. Véritas de terra orta est,
& justítia de coelo prospéxit.

Psalmus 84.
Benedixísti Dómine terram
tuam: * avertísti captivitátem
Jacob.

Remisísti iniquitatem plebis
tuæ: * operuísti omnia peccáta
eórum.

Mitigásti omnem iram tuam: *
avertísti ab ira indignationis tuæ.

Convérte nos Deus salutáris
noster: * & avérte iram tuam
à nobis.

Numquid in ætérnum irascéris
nobis? * aut exténdes iram tuam
à generatióne in generatióne?

Deus tu convérsus vivificábis
nos: * & plebs tua lætábitur in te.

Osténde nobis Dómine miseri-
córdiam tuam: * & salutáre tuum
da nobis.

Audiam quid loquátur in me
Dóminus Deus: * quóniam lo-
quétur pacem implebem suam:

Et super sanctos suos, * &
ineos qui convertúntur ad cor.

Ve-

Verúmtamen propè timéntes eum salutáre ipsius : * ut inhábitet glória in terra nostra.

Misericórdia & véritas obviamerunt sibi : * justítia & pax osculátæ sunt.

Véritas de terra orta est : * & justítia de cœlo prospéxit.

Etenim Dóminus dabit benignitátem , * & terra nostra dabit fructum suum.

Justítia ante eum ambulábit , * & ponet in via gressus suos.

Glória Patri , & Fílio , &c.

Antiph. Véritas de terra orta est , & justítia de cœlo prospéxit.

Ÿ. Speciósus forma præ filiis hóminum.

R. Diffusa est grátia in lábiis tuis.
Pater noster.

Absolutio. Ipsius píetas & miseri-
córdia nos ádjuvet , qui cum Pa-
tre & Spírítu sancto vivit & re-
gnat in sæcula sæculórum. *R.* A-
men. *ŷ.* Jube domne benedícere.

Benedictio. Deus Pater omnípo-
tens sit nobis propítius & cle-
mens. *R.* Amen.

Sermo sancti Leónis Papæ.

Ser. 1. de Nat. Dñi. Lectio iv.

SALVátor noster, dilectíssimi,
hódie natus est: gaudeámus. Ne-
que enim fas est locum esse tristí-
tiæ, ubi natális est vitæ: quæ con-
súm-

súmp̄to mortalitátis timóre, nobis
íngerit de promíssa æternitáte
lætítiam. Nemo ab hujus alacri-
tátis participatióne secérnitur.
Una cunctis lætitiæ commúnis
est rátio : quia Dóminus noster
peccáti, mortísque destrúctor,
sicut nullum à reátu líberum ré-
perit, ita liberándis ómnibus ve-
nit. Exúltet sanctus, quia pro-
pínquat ad palmam : gáudeat
peccátor, quia invitátur ad vé-
niam : animétur Gentílis, quia
vocátur ad vitam. Dei namque
Fílius secúndùm plenitúdinem
tém̄poris, quam divíni consílii in-
scrutábilis altitúdo dispósuit, re-
conciliándam auctóri suo natú-

ram géneris assúmpsit húmáni,
ut invéntor mortis diábolus, per
ipsam, quam vícerat, vincerétur.
Tu autem Dómine miserére no-
bis. R. Deo grátias. R. O mag-
num mystérium, & admirábile sa-
craméntum, ut animália vidérent
Dóminum natum, jacéntem in
præsépio: * Beáta Virgo, cujus
víscera meruerunt portáre Dó-
minum Christum.

Ÿ. Ave María, grátia plena: Dó-
minus tecum. R. Beáta Virgo, cu-
jus víscera meruérunt portáre,
&c. Ÿ. Jube domne benedícere.

Benedictio. Christus perpétuæ
det nobis gáudia vitæ. R. Amen.

Lectio v.

IN quo conflictu pro nobis ínito, magno & mirábili æquitátis jure certátum est, dum omnípotens Dóminus cum sævíssimo hoste non in sua majestáte, sed in nostra congréditur humilitáte: objíciens ei eámdem formam, eamdemque natúram, mortalitátis quidem nostre partícipem, sed peccáti totíus expértem. Aliénium quippe ab hac nativitate est, quod de ómnibus légitur: Nemo mundus à sorde, nec infans, cujus est uníus diéi vita super terram. Nihil ergo in istam singulárem nativitatem de carnis concupiscéntia transívit, nihil de pec-

cá-

cāti lege manávit. Virgo régia
Davídicae stirpis elígitur, quæ
sacro gravidanda foetu, divínam
humanámque prolem priùs con-
cíperet mente, quàm corpore. Et
ne supérni ignára consílii ad inu-
sitátos pavéret affátus, quod in
ea operándum erat à Spírítu
sancto, collóquio discit Angéli-
co: nec damnum credit pudóris,
Dei génitrix mox futúra. Tu au-
tem Dómine miserére nobis. R.
Deo grátias. R. Beáta Dei géni-
trix María, cujus víscera intácta
pérmanent: * Hódie genuit Sal-
vatórem sæculi. V. Beáta quæ
crédidit, quóniam perfécta sunt
ómnia, quæ dicta sunt ei à Dómino.

℞. Hódie génuít Salvatórem sæ-
 culi. ʒ. Jube domne benedícere.
Benedictio. Ignem sui amóris ac-
 céndat Deus in córdibus nostris.
 ℞. Amen.

Lectio vi.

AGámus ergo, dilectíssimi, grá-
 tias Deo Patri, per Fílium ejus in
 Spíritu sancto : qui propter mul-
 tam charitátem suam, qua diléxit
 nos, misértus est nostri: & cùm
 essémus mórtui peccátis, convi-
 vificávit nos Christo, ut essémus
 in ipso nova creatúra, novúmque
 figmémentum. Deponámus ergo vé-
 terem hóminem cum áctibus suis:
 & adépti participatióem gene-
 ratiónis Christi, carnis renuntié-
 mus

mus opéribus. Agnósce, ò Chris-
tiáne, dignitátem tuam : & diví-
næ consors factus naturæ, noli
in véterem vilitátem degéneri
conversatióne redíre. Meménto,
cujus cápitis & cujus córporis sis
membrum. Reminíscere, quia
érutus de potestáte tenebrárum,
translátus es in Dei lumen, &
regnum. Tu autem Dñe. miseré-
re nobis. *R.* Deo grátias.
R. Sancta & immaculáta virgí-
nitas, quibus te láudibus éfferam,
nescio: * Quia quem coeli cápere
non póterant, tuo grémio contu-
lísti, *ψ.* Benedícta tu in muliéri-
bus, & benedíctus fructus ven-
tris tui.

Quia

Quia quem cœli cápere non pót-
erant, tuo grémio contulisti.

Glória Patri, & Fílio, & Spiritui
sancto. Quia quem cœli, &c.

IN III. NOCTURNO.

Antiphona. Ipse invocábit me, al-
lelúja: Pater meus es tu, allelúja.

Psalmus 88.

MIsericórdias Dómini * in æ-
térnum cantábo.

In generatióne & generatió-
nem* annuntiabo veritátem tuam
in ore meo.

Quóniam dixisti: In ætérnum
misericórdia ædificábitur in cœ-
lis: * præparábitur véritas tua
in eis.

Dis-

Disposui testaméntum eléctis
meis , jurávi David servo meo: *
Usque in ætérnum præparábo se-
men tuum.

Et ædificábo in generatiónem
& generatiónem * sedem tuam.

Confitebúntur cœli mirabília
tua, Dómine: * étenim veritátem
tuam in ecclésia sanctórum.

Quóniam quis in nubibus æquá-
bitur Dómino, * símilis erit Deo
in filiis Dei?

Deus , qui glorificátur in consí-
lio sanctórum : * magnus & terrí-
bilis super omnes , qui in circú-
tu ejus sunt.

Dómine Deus virtútum quis
similis tibi? * potens es Dómine,

&

& v́eritas tua in circúitu tuo.

Tu domináris potestáti maris: *
motum autem fluctuum ejus tu
mítigas.

Tu humiliásti sicut vulnerátum,
supérbum: * in bráchio virtútis
tuæ dispersisti inimícos tuos.

Tui sunt coeli, & tua est terra,
orbem terræ & plenitúdinem e-
jus tu fundásti: * Aquilónem &
mare tu creásti.

Thabor & Hermon in nómine
tuo exultábunt, * tuum bráchium
cum poténtia.

Firmétur manus tua, & exalté-
tur déxtera tua: * justítia & judí-
cium præparátio sedis tuæ.

Misericórdia & v́eritas præcé-

dent faciē tuam : * beātus pópulus , qui scit jubilatiōnem.

Dómine , in lúmine vultus tui ambulábunt , & in nómine tuo exultábunt tota die , * & in iustitia tua exaltabúntur.

Quóniam glória virtútis eórum tu es : * & in beneplácito tuo exaltábitur cornu nostrum.

Quia Dómini est assúptio nostra , * & sancti Israël Regis nostri.

Tunc locútus es in visiōne sanctis tuis , & dixisti : * Pó sui adiutorium in potēte : & exaltávi electum de plebe mea.

Invēni David servum meum : * óleo sancto meo unxi eum.

Manus enim mea auxiliabitur
ei : * & bráchium meum confor-
tábit eum.

Nihil proficiet inimicus in eo, *
& filius iniquitátis non appónet
nocére ei.

Et concídam à fácie ipsíus ini-
micos ejus : * & odiéntes eum in
fugam convértam.

Et véritas mea, & misericórdia
mea cum ipso : * & in nómine
meo exaltábitur cornu ejus.

Et ponam in mari manum ejus, *
& in flumínibus déxteram ejus.

Ipse invocábit me : Pater meus
es tu, * Deus meus, & suscéptor
salútis meæ.

Et ego primogénitum ponam il-
lum,

lum, * excelsum præ régibus
terræ.

In ætérnum servábo illi miseri-
córdiam meam: * & testaméntum
meum fidéle ipsi.

Et ponam in sæculum sæculi se-
men ejus: * & thronum ejus sicut
dies cœli.

Si autem derelíquerint filii ejus
legem meam: * & in judíciis meis
non ambuláverint:

Si justítias meas profanáverint,
* & mandáta mea non custodíe-
rint:

Visitábo in virga iniquitátes eó-
rum, * & in verbéribus peccáta
eórum.

Misericórdiam autem meam non
dis-

dispergam ab eo : * neque nocebo in veritate mea:

Neque profanabo testamentum meum : * & quæ procedunt de labiis meis , non faciam irrita.

Semel juravi in sancto meo , si David mentiar : * semen ejus in æternum manebit.

Et thronus ejus sicut sol in conspectu meo , * & sicut luna perfecta in æternum , & testis in cœlo fidelis.

Tu verò repulisti & despexisti : * distulisti Christum tuum.

Evertisti testamentum servi tui : * profanasti in terra sanctuarium ejus.

Destruxisti omnes sepes ejus : *

posuisti firmamentum ejus formi-
dinem.

Diripuérunt eum omnes trans-
eúntes viam : * factus est oppró-
brium vicínis suis.

Exaltásti dexteram deprimén-
tium eum : * lætificásti omnes ini-
mícos ejus.

Avertísti adjutórium gládii ejus :
* & non es auxiliátus ei in bello.

Destruxísti eum ab emundatió-
ne : * & sedem ejus in terram
collisísti.

Minorásti dies témporis ejus : *
perfudísti eum confusióne.

Usquequó Dómine avértis in
finem : * exardéscet sicut ignis
ira tua ?

Me-

Memorare quæ mea substância : * numquid enim vanè constituisti omnes filios hóminum ?

Quis est homo , qui vivet , & non vidébit mortem : * éruct animam suam de manu inferi ?

Ubi sunt misericórdiæ tuæ antiquæ Dómine , * sicut jurasti David in veritate tua ?

Memor esto Dñe. oppróbrii servórum tuórum * (quod contínui in sinu meo) multárum Géntium.

Quod exprobravérunt inimici tui Dómine , * quod exprobravérunt commutationem Christi tui.

Benedíctus Dñus. in ætérnum : fiat , fiat. Glória Patri , &c.

Antiphona. Ipse invocábit me, al-

le-

lelúja : Pater meus es tu, allelúja.

Añã. Læténtur coeli, & exúltet
terrã ante fáciem Dómini, quó-
niam venit.

** Psalmus 95.*

CAntáte Domino cánticum
novum : * cantáte Domino ómnis
terra.

Cantáte Domino, & benedícite
nómini ejus : * annuntiáte de die
in diem salutãre ejus.

Annuntiáte inter Gentes gló-
riam ejus : * in ómnibus pópulis
mirábilia ejus.

Quóniam magnus Dóminus, &
laudábilis nimis : * terríbilis est
super omnes deos.

Quóniam omnes dii Géntium

dæ-

dæmónia: * Dóminus autem cœ-
los fecit.

Conféssio & pulchritúdo in con-
spéctu ejus: * sanctimónia & mag-
nificéntia in sanctificatióne ejus.

Afférte Dómino patriæ Gén-
tium, afférte Dómino glóriam &
honórem: * afférte Dómino gló-
riam nómini ejus.

Tóllite hóstias, & introíte in á-
tria ejus: * adoráte Dóminum in
átrio sancto ejus.

Commoveáatur à fácie ejus uni-
vérsa terra: * dícite in Géntibus
quia Dóminus regnávit.

Etenim corréxit orbem terræ,
qui non commovébitur: * judicá-
bit pópulos in æquitáte.

Læténtur cœli, & exúltet terra, commoveátur mare, & plenitúdo ejus: * gaudébunt campi, & ómnia, quæ in eis sunt.

Tunc exultábunt ómnia ligna silvârum à fácie Dñi. quia venit: * quóniam venit judicâre terram.

Judicábit orbem terræ in æquitáte, * & pópulos in veritáte sua.

Glória Patri, & Fílio, &c.

Añã. Læténtur cœli, & exúltet terra ante fáciem Dómini, quóniam venit.

Antiph. Notum fecit Dóminus, allelúja: salutâre suum, allelúja.

Psalmus 97.

CAntáte Domino cánticum novum: * quia mirabília fecit.

Sal-

Salvavit sibi dextera ejus, * &
brachium sanctum ejus.

Notum fecit Dominus salutare
suum: * in conspectu Gentium
revelavit justitiam suam.

Recordatus est misericordiae
suae, * & veritatis suae domui
Israël.

Viderunt omnes termini terrae *
salutare Dei nostri.

Jubilate Deo omnis terra: *
cantate, & exultate, & psallite.

Psallite Domino in cithara, in
cithara & voce psalmi, * in tubis
ductilibus, & voce tubae corneae.

Jubilate in conspectu Regis Dó-
mini: * moveatur mare, &
plenitudo ejus; orbis terrarum,

&

& qui hábitant in eo.

Flúmina plaudent manu, simul
montes exultábunt à conspéctu
Dómini: * quóniam venit judicá-
re terram.

Judicávit orbem terrárum in ju-
stítia, * & pópulos in æquitáte.

Glória Patri, &c.

Antiph. Notum fecit Dóminus,
allelúja: salutáre suum, allelúja.

Ÿ. Ipse invocábit me, allelúja.

℞. Pater meus es tu, allelúja.

Pater noster.

Absolutio. A vínculis peccatórum
nostrórum absólvat nos omnípo-
tens & miséricors Dñus. ℞. A-
men. Ÿ. Jube domne benedícere.

Benedictio. Evangélica léctio sit

nobis salus & protéctio. R. A-
men.

Lectio sancti Evangélii secún-
dum Lucam.

Lectio vii.

cap. 2.

IN illo témpore : Exiit edictum
à Cæsare Augústo , ut describe-
rétur univérsus orbis. Et réliqua.

Homilia sancti Gregórii Papæ.

Homilia 8. in Evangelia.

Quia largiénte Dómino , Mis-
sarum solémnia ter hódie celebra-
túri sumus, loqui diu de Evangé-
lica lectione non póssumus : sed
nos áliquid vel bréviter dícere,
Redemptóris nostri natívitas ipsa
compéllit. Quid est enim , quod
nascitúro Dómino mundus descri-

bi-

bitur, nisi hoc, quod apértè monstrátur, quia ille apparébat in carne, qui eléctos suos adscríberet in æternitáte? Quo contrà de réprobis per Prophétam dicitur: Deleántur de libro vivéntium, & cum justis non scribántur. Qui benè étiam in Béthlehem náscitur: Béthlehem quippe domus panis interpretátur. Ipse namque est, qui ait: Ego sum panis vivus, qui de cœlo descéndit. Locus ergo, in quo Dóminus náscitur, domus panis ántea vocátus est: quia futúrum proféctò erat, ut ille ibi per matériam carnis apparéret, qui electórum mentes intérna satietáte reficeret.

Qui

Qui non in paréntum domo, sed in via náscitur: ut proféctò osténderet, quia per humanitátem suam, quam assúmpserat, quasi in aliéno nascebátur.

R. Beáta víscera Mariæ Vírginis, quæ portavérunt ætérni Patris Fílium: & beáta úbera, quæ lactavérunt Christum Dóminum.*

Qui hódie pro salúte mundi de Vírgine nasci dignátus est.

Ÿ. Dies sanctificátus illúxit nobis: veníte Gentes, & adoráte Dóminum. R. Qui hodie pro salúte mundi de Vírgine nasci dignátus est. Ÿ. Jube domne benedícere.

Benedictio. Per Evangélica dicta, deleántur nostra delícta. R. Amen.

Léctio sancti Evangélii secúndum Lucam.

Lectio viii. cap. 2. b

IN illo témpore: Pastóres loquebántur ad ínvicem: Transeámus usque Bethlehem, & videámus hoc verbum quod factum est, quod Dóminus osténdit nobis. Et réliqua.

Homilía sancti Ambrosii
Epíscopi.

Lib. 2. in c. 2. Luc. circa med.

VIdéte Ecclésiæ surgéntis exórdium. Christus náscitur, & pastóres vigiláre cœpérunt: qui Géntium greges, pécudum modo antè vivéntes in caulam Dómi-

mini congregarent, ne quos spiritalium bestiârum, per offusas noctium tenebras paterentur incursus. Et benè pastores vigilant, quos bonus pastor informat. Grex igitur populus, nox sæculum, pastores sunt sacerdotes. Aut fortasse etiam ille sit pastor, cui dicitur: *Esto vigilans, & confirma.* Quia non solum Episcopos ad tuendum gregem Dominus ordinavit, sed etiam Angelos destinavit. Tu autem Domine miserere nobis. *R.* Deo gratias. *R.* Verbum caro factum est, & habitavit in nobis: * Et vidimus gloriam ejus, gloriam quasi unigeniti à Patre, plenum gratiæ & veritatis.

ψ. Omnia per ipsum facta sunt,
 & sine ipso factum est nihil. R. Et
 vidimus gloriam ejus, gloriam
 quasi unigeniti à Patre, plenum
 gratiæ & veritatis. ψ. Gloria Pa-
 tri, & Filio, & Spiritui sancto.
 R. Et vidimus gloriam ejus, &c.
 ψ. Jube domne benedicere.

Benedictio. Verba sancti Evangé-
 lii doceat nos Christus Filius Dei.
 R. Amen.

Léctio sancti Evangélii secún-
 dùm Joánnem.

Lectio ix. cap. i.
IN principio erat Verbum, &
 Verbum erat apud Deum, &
 Deus erat Verbum. Et reliqua.
 Homilia sancti Augustini Episc.

Tract.

Tract. i. in Joan. circa med.

NE vile áliquid putáres, quale consuevísti cogitáre, cùm verba humána soléres audíre, audi quid cógites. Deus erat Verbum. Exeat nunc néscio quis infidélis Ariánus, & dicat, quia Verbum Dei factum est. Quómodo potest fieri, ut Verbum Dei factum sit, quando Deus per Verbum fecit ómnia? Si & Verbum Dei ipsum factum est; per quod áliud verbum factum est? Si hoc dicis, quia hoc est verbum Verbi, per quod factum est illud: ipsum dico ego únicum Fílium Dei. Si autem non dicis verbum Verbi, concéde non factum, per quod facta sunt ómnia.

nia. Non enim per se ipsum fieri potuit, per quod facta sunt omnia. Crede ergo Evangelistæ. Tu autem Dómine miserere nobis.
 R. Deo grátias.

Hymnus.

TE Deum laudámus : te Dóminum confitémur.

Te æternum Patrem: omnis terra venerátur.

Tibi omnes Angeli: tibi cœli, & universæ potestátes.

Tibi Chérubim, & Séraphim: incessabili voce proclámant:

Sanctus, Sanctus, Sanctus: Dóminus Deus Sábaoth.

Pleni sunt cœli & terra: majestátis glóriæ tuæ.

Te

Te gloriósus Apostolórum cho-
rus,

Te Prophetárum laudábilis nú-
merus,

Te Mártýrum candidátus lau-
dat exércitus.

Te per orbem terrárum, sancta
confitétur Ecclésia,

Patrem imménsæ majestátis,

Venerándum tuum verum &
únicum Fílium,

Sanctum quoque Paráclitum
Spíritum.

Tu Rex glóriæ Christe.

Tu Patrís sempiternus es Fílius.

Tu ad liberándum susceptúrus
hóminem : non horruísti vírginis
úterum.

Tu

Tu devicto mortis aculeo: aperuisti credentibus regna coelorum.

Tu ad dexteram Dei sedes: in gloria Patris.

Judex crederis esse venturus.

Te ergo quaesumus, tuis famulis subveni: quos pretioso sanguine redemisti.

Aeterna fac cum sanctis tuis: in gloria numerari.

Salvum fac populum tuum Domine: & benedic hereditati tuae.

Et rege eos: & extolle illos usque in aeternum.

Per singulos dies, benedicimus te.

Et laudamus nomen tuum in

sæculum : & in sæculum sæ-
culi.

Dignare Domine die isto : sine
peccato nos custodire.

Miserere nostri Domine : mise-
rere nostri.

Fiat misericordia tua Domine
super nos : quemadmodum spe-
ravimus in te.

In te Domine speravi, non con-
fundar in æternum.

ŷ. Dominus vobiscum.

R. Et cum spiritu tuo.

Orémus.

Concède quæsumus omnipò-
tens Deus : ut nos Unigéniti tui
nova per carnem nativitas libe-
ret,

ret, quos sub peccati jugo vetusta servitus tenet. Per eundem Dñum. nostrum Jesum Christum Filium tuum, qui tecum vivit, &c.

ŷ. Dóminus vobíscum.

R. Et cum spírítu tuo.

ŷ. Benedicámus Dómino.

R. Deo grátias.

Et dicto Benedicámus Dómino celebratur prima Missa post mediam noctem, ut in Ordinario: qua finita dicuntur Laudes.

AD LAUDES.

DEus in adjutórium meum inténde. R. Dómine ad adjuvándum me festína. Glória Patri, & Fílio, &c. Allelúja.

Antiph. Quem vidístis pastóres?
dícite, annuntiáte nobis, in terris
quis appáruit? Natum vídimus,
& choros Angelórum collaudán-
tes Dóminum, allelúja, allelúja.

Psalmus 92.

Dominus regnávít, decórem
indútus est: * indútus est Dómi-
nus fortitúdinem, & præcínxit se.

Etenim firmávit orbem terræ,*
qui non commovébitur.

Paráta sedes tua ex tunc: * à sæ-
culo tu es.

Elevavérunt flúmina Dómine:*
elevavérunt flúmina vocem suam.

Elevavérunt flúmina fluctus
suos, * à vóciibus aquárum mul-
tárum.

Mirábiles elatiónes marís, * mirábilis in altis Dóminus.

Testimónia tua credibília facta sunt nimis : * domum tuam decet sanctitúdo Dómine in longitúdinem diérum.

Glória Patri, &c.

Antiph. Quem vidístis pastóres ? dícite, annuntiáte nobis, in terris quis appáruit ? Natum vídimus, & choros Angelórum collaudántes Dóminum, allelúja, allelúja.

Aña. Génuít puérpera Regem, cui nomen ætérnum, & gáudia matris habens cum virginitátis honóre : nec primam símilem visa est, nec habére sequéntem, alleluja.

Psalmus 99.

Jubiláte Deo omnis terra: * ser-
víte Dómino in lætítia.

Introíte in conspéctu ejus, * in
exultatióne.

Scitóte quóniam Dóminus ipse
est Deus: * ipse fecit nos, & non
ipsi nos.

Pópulus ejus, & oves páscuæ
ejus: * introíte portas ejus in
confessióne, átria ejus in hymnis:
confitémini illi.

Laudáte nomen ejus: quóniam
suavis est Dóminus, in ætérnum
misericórdia ejus: * & usque in
generatióne, & generatióne
véritas ejus.

Glória Patri, & Fílio, &c.

Aña.

Añã. Genuit puérpera Regem,
cui nomen ætérnum, & gáudia
matris habens cum virginitátis
honóre: nec primam símilem visa
est, nec habére sequéntem, alle-
lúja.

Añã. Angelús ad pastóres ait:
Annúntio vobis gáudium mag-
num: quia natus est vobis hódie
Salvátor mundi, allelúja.

Psalmus 62.

DEus Deus meus: * ad te de
luce vígilo.

Sitívit in te ánima mea, * quám
multipliciter tibi caro mea.

In terra desérta, & ínvia, & in-
aquósa: * sic in sancto appáruí ti-
bi,

bi, ut vidérem virtútem tuam,
& glóriam tuam.

Quóniam mélior est misericór-
dia tua super vitas: * lábia mea
laudábunt te.

Sic benédicam te in vita mea: *
& in nómine tuo levábo manus
meas.

Sicut ádipe, & pinguédine re-
pleátur ánima mea: * & lábiis ex-
ultatiónis laudábit os meum.

Si memor fui tui super stratum
meum, in matutínis meditábor in
te: * quia fuísti adjútor meus.

Et in velaménto alárum tuárum
exultábo, adhæsit ánima mea post
te: * me suscepit déxtera tua.

Ipsi verò in vanum quæsiérunt

áni-

ánimam meam , introíbunt in
inferióra terræ : * tradéntur in
manus gládii , partes vúlpium e-
runt.

Rex verò lætábitur in Deo, lau-
dabúntur omnes , qui jurant in
eo : * quia obstrúctum est os lo-
quéntium iníqua.

Hic non dicitur Glória.

Psalmus 66.

DEus misereátur nostri , & be-
nedícat nobis : * illúminet vultum
suum super nos , & misereátur
nostri.

Ut cognoscámus in terra viam
tuam : * in ómnibus Géntibus sa-
lutáre tuum.

Confíteántur tibi pópuli Deus : *

confiteántur tibi pópuli omnes.

Læténtur, & exúltent Gentes:*
quóniam júdicas pópulos in æqui-
táte, & Gentes in terra dírigis.

Confiteántur tibi pópuli Deus:
confiteántur tibi pópuli omnes:*
terra dedit fructum suum.

Benedícat nos Deus, Deus no-
ster, benedícat nos Deus:* &
méтуant eum omnes fines terræ.

Glória Patri, &c.

Antiph. Angelus ad pastóres ait:
Annúntio vobis gáudium mag-
num: quia natus est vobis hódie
Salvátor mundi, allelúja.

Aña. Facta est cum Angelo mul-
titúdo coeléstis exércitus laudán-
tium Deum, & dicéntium: Glória

in

in excelsis Deo, & in terra pax
hominibus bonæ voluntatis, alle-
lúja.

Canticum trium puerorum.

Dan. 3.

Benedícite ómnia ópera Dómi-
ni Dómino: * laudáte & super-
exaltáte eum in sæcula.

Benedícite Angeli Dómini Dó-
mino: * benedícite cœli Dómino.

Benedícite aquæ omnes, quæ su-
per cœlos sunt Dómino: * benedí-
cite omnes virtutes Dómini Dño.

Benedícite sol & luna Dómi-
no: * benedícite stellæ cœli Dño.

Benedícite omnis imber & ros
Dómino: * benedícite omnis spí-
ritus Dei Dómino.

Be-

* Benedícite ignis & æstus Dó-
mino: * benedícite frigus & æstus
Dómino.

* Benedícite rores & pruína Dó-
mino: * benedícite gelu & frigus
Dómino.

Benedícite glácies & nives Dó-
mino: * benedícite noctes & dies
Dómino.

* Benedícite lux & ténebræ Dó-
mino: * benedícite fúlgura &
nubes Dómino.

Benedícat terra Dóminum: *
laudet, & superexáltet eum in
sæcula.

Benedícite montes & colles
Dómino: * benedícite univérſa
germinántia in terra Dómino.

Benedícite fontes Dómino : *
 benedícite mária & flúmina Dño.

Benedícite cete , & ómnia quæ
 movéntur in aquis , Dómino : *
 benedícite omnes vólucres cœli
 Dómino.

Benedícite omnes béstiæ & pé-
 cora Dómino : * benedícite filii
 hóminum Dómino.

Benedícat Israël Dóminum : *
 laudet & superexáltet * eum in
 sæcula.

* Benedícite sacerdótes Dómini
 Dómino : * benedícite servi Dó-
 mini Dómino.

Benedícite spíritus & ánima ju-
 stórum Dómino : * benedícite san-
 cti & húmiles corde Dómino.

Be-

Benedícite Ananía, Azaría, Mi-
sael Dómino : * laudáte & super-
exáltate eum in sæcula.

* Benedicámus Patrem & Fílium ;
cum sancto Spíritu : * laudémus
& superexaltémus eum in sæcula.

Benedíctus es Dómine in firma-
ménto cœli : * & laudábilis, & glo-
riósus, & superexaltátus in sæcula.

Hic non dicitur Glória, neque
* Amen.

Antiphon. Facta est cum Angelo
multitúdo cœlestis exércitus lau-
dántium Deum, & dicéntium:
Glória in excélsis Deo, & in
terra pax homínibus bonæ vo-
luntátis, allelúja.

Antiph. Párvulus filius natus est

nobis, & vocábitur Deus, Fortis,
allelúja, allelúja. *

Psalmus 148.

LAudáte Dóminum de coelis: *
laudáte eum in excélsis.

Laudáte eum omnes Angeli
ejus: * laudáte eum omnes virtú-
tes ejus.

Laudáte eum sol & luna: * lau-
dáte eum omnes stellæ & lumen.

Laudáte eum coeli coelórum: *
& aquæ omnes quæ super coelos
sunt, laudent nomen Dómini.

Quia ipse dixit, & facta sunt: *
ipse mandávit, & creáta sunt.

Státuit ea in ætérnum, & in
sæculum sæculi: * præcéptum
pósuit, & non præteribit.

Lau-

* Laudáte Dóminum de terra: *
dracónes , & omnes abyssi:

Ignis , grando , nix , glácies , spí-
ritus procellárum , * quæ faciunt
verbum ejus:

Montes , & omnes colles: * lig-
na fructífera , & omnes cedri:

Béstiaë , & univérſa pécora: *
serpéntes , & vólucres pennátæ:

Reges terræ , & omnes pópu-
li: * príncipes , & omnes júdices
terræ:

Júvenes , & vírgines , senes cum
junióribus laudent nomen Dómi-
ni: * quia exaltátum est nomen
ejus solíus.

Conféſſio ejus super cœlum , &
terram: * & exaltávit cornu pópuli
sui.

Hymnus ómnibus sanctis ejus: *
filiis Israël , pópulo appropin-
quánti sibi.

Hic non dicitur Glória.

Psalmus 149.

CAntáte Dómino cánticum
novum: * laus ejus in Ecclésia
Sanctórum.

Lætétur Israël in eo , qui fecit
eum: * & filii Sion exúltent in
rege suo.

Laudent nomen ejus in cho-
ro: * in tympano , & psaltério
psallant ei.

Quia beneplácitum est Dómi-
no in pópulo suo: * & exaltábit
mansuétos in salútem.

Exultábunt sancti in glória: *

lætabúntur in cubílibus suis.

Exaltatiónes Dei in gútture eórum : * & gladii ancípites in má-nibus eórum.

Ad faciéndam vindíctam in nationibus , * increpatiónes in pó-pulis:

Ad alligándos reges eórum in compédibus : * & nóbiles eórum in mánicis férreis.

Ut fáciant in eis iudícium con-scriptum : * glória hæc est ómni-bus sanctis ejus.

Hic non dicitur Glória.

Psalmus 150.

LAudáte Dóminum in sanctis ejus : * laudáte eum in firmamén-to virtútis ejus.

Lau-

Laudáte eum in virtútibus e-
jus: * laudáte eum secúndùm mul-
titudínem magnitúdinis ejus:

Laudáte eum in sono tubæ: *
laudáte eum in psaltério, & cí-
thara.

Laudáte eum in tympano, &
choro: * laudáte eum in chordis,
& órgano.

Laudáte eum in cymbalis bene-
sonántibus: laudáte eum in cym-
balis jubilatiónis: * omnis spíritus
laudet Dñum. Glória Patri, &c.

Antiph. Párvulus filius hódie na-
tus est nobis, & vocábitur, &c.

Capitulum. Hebr. 1.

MUltifáriam, multisque mo-
dis, olim Deus loquens pátribus

in Prophétis : novíssimè diébus
istis locútus est nobis in Fílio,
quem constituit hærédem uni-
versórum , per quem fecit & sæ-
cula. R. Deo grátias.

Hymnus.

A Solis ortus cárdine
Ad usque terræ límitem,
Christum canámus Príncipem,
Natum María Vírgine.

Beátus Auctor sæculi
Servíle corpus índuit:
Ut carne carnem líberans,
Ne pérderet quos cóndidit.

Castæ paréntis víscera
Cœléstis intrat grátia:
Venter puéllæ bájulat
Secréta , quæ non nóverat.

Domus pudici pectoris
Templum repente fit Dei:
Intacta nesciens virum,
Concepit alvo Filium.

Enititur puérpera,
Quem Gábríel prædixerat,
Quem ventre Matris gèstiens,
Baptísta clausum sènserat.

Fœno jacere pertulit,
Præsepe non abhórruit:
Et lacte módico pastus est,
Per quem nec ales ésurit.

Gaudet chorus cœlestium,
Et Angeli canunt Deo;
Palámque fit Pastóribus
Pastor, Créator ómnium.

JESU, tibi sit glória,
Qui natus es de Vírgine,

Cum

Cum Patre, & almo Spírítu
In sempitérna sæcula. Amen.

Ÿ. Notum fecit Dóminus, allel.

R. Salutáre suum, allelúja.

Antiph. Glória in excélsis Deo,
& in terra pax homínibus bonæ
voluntátis, allelúja, allelúja.

* *Canticum Zachariæ. Luc. i.*

Benedíctus Dóminus Deus Is-
raël, * quia visitávit, & fecit re-
demptionem plebis suæ: *

Et eréxit cornu salutis nobis, *
in domo David púeri sui.

Sicut locútus est per os sanctó-
rum, * qui à sæculo sunt prophe-
tárum ejus:

Salútem ex inimícis nostris, * & de
manu ómnium, qui odérunt nos:

Ad faciendam misericordiam
cum patribus nostris: * & memo-
rari testamenti sui sancti.

Jusjurandum, quod juravit ad
Abraham patrem nostrum, * da-
turum se nobis:

Ut sine timore de manu inimi-
corum nostrorum liberati, * ser-
viamus illi:

In sanctitate & justitia * coram
ipso, * omnibus diebus nostris.

* Et tu puer, Propheta Altissimi
vocaberis: * praebis enim ante fá-
ciem Domini parare vias ejus:

Ad dandam scientiam salutis ple-
bi ejus, * in remissionem pecca-
torum eorum:

Per viscera misericordiae Dei

nostri: * in quibus visitávit nos
óriens ex alto:

Illumináre his, qui in ténebris
& in umbra mortis sedent: * ad
dirigéndos pedes nostros in viam
pacis. Glória Patri, &c.

Antiph. Gloria in excélsis Deo,
& in terra pax homínibus bonæ
voluntátis, allelúja, allelúja. *ŷ.*
Dóminus vobíscum. *℞.* Et cum
spíritu tuo.

Orémus.

Concéde, quæsumus, omnípo-
tens Deus: ut nos Unigéniti tui
nova per carnem natívitatis líbe-
ret, quos sub peccáti jugo ve-
tústa sérvitus tenet. Per eundem
Dóminum, &c.

ŷ. Dóminus vobíscum.

R. Et cum spírítu tuo.

ŷ. Benedicámus Domino.

R. Deo grátias.

ŷ. Fidélium ánimæ , &c.

R. Amen. Pater noster. *secretò.*

ŷ. Dóminus det nobis suam
pacem.

R. Et vitam ætérnam. Amen.

ALma Redemptoris mater,
quæ pέρvia cœli.

Porta manes, & Stella maris, suc-
curre cadénti,

Súrgere qui curat, populo: tu
quæ genuísti,

Natúra miránte, tuum sanctum
Genitorem,

Vir-

Virgo priùs , ac postériùs , Ga-
briélis ab ore.

Sumens illud Ave , peccatorum
miserére.

Ÿ. Post partum virgo invioláta
permansísti.

℞. Dei génitrix intercede pro
nobis.

Orémus.

DEus , qui salútis ætérnæ beá-
tæ Maríæ virginitáte fecúnda,
humáno géneri præmia præsti-
tisti : tribue quæsumus ; ut ip-
sam pro nobis intercédere sen-
tiámus , per quam merúimus
auctorem vitæ suscipere , Do-
minum nostrum Jesum Christum
Filiùm tuum. ℞. Amen.

V. Divinum auxilium máneat
semper nobiscum.

R. Amen.